

Ulloq 25. juli 2018 Eqqartuussisoqarfik Sermersuumit suliami
sul.nr. SER-AMM-KS 0658-2018

Unnerluussisussaataasut

Illuatungeralugu

U

Cpr.nr. [...]

[...]

3913 Tasiilaq

Unnerluussisussaataasut journaliata nr. 5516-97431-00625-17.

oqaatigineqarpoq imaattoq

E Q Q A R T U U S S U T:

Suliaq suliarineqarpoq eqqartuussisooqataasartut peqataatillugit

Unnerluussut

Unnerluussissut 16. maj 2018-imik ulluligaavoq eqqartuussivimmilu tiguneqarsimalluni ulloq 1. juni 2018-imi.

U makkuningga unioqqutitsinermut unnerluutigineqarpoq

Kriminallovens § 88 – vold – ved den 05. november 2017, mellem kl. 0200 – 0300, på vejen ved posthuset 3913 Tasiilaq, at have tildelt P knytnæveslag i hendes ansigt.

Piunasaqaatit

Unnerluussisussaataasunit piunasaqaatigineqarpoq ulluni 30-ni pineqaatissinneqarsimasunut inissiisarfimmiittussanngortitsineq. Pineqaatissiissutip naammassineqarnissaa kinguartinneqarpoq atorunnaassallunilu ukioq ataaseq misilinneqarfiup qaangiuppat, pineqartoq misilinneqarfiup iluani inatsimmik unioqqutitseqqinngippat.

U nassuerpoq pisuunerarluni pisimasoq 1-imi.

U/illersuisoq akuerisaasoq Oktavia Taunajik piunasaqaateqarpoq mianersoqqussummik.

Uppernarsaasiineq

Nassuiaatit

Suliap suliarineqarnerata nalaani unnerluutigineqartoq ilisimannittorlu P nassuiaateqarput.

Unnerluutigineqartup, U-p aamma ilisimannittup P-p nassuiaatai, eqqartuussisut suliaannik allassimaffimmi ulloq 25. juli 2018-imeersumit issuarneqarput.

Napparsimmaveqarfiup politiinut uppernarsaassiissutaani ersersinneqanngilaq, P kiinnamigut ulussamigulluunniit ajoqusersimanersoq.

Personlige oplysninger

U siusinnerusukkut pineqaatissinneqarnikuunngilaq suliamut matumunnga pingaarutilimmik.

U inuttut atukkani pillugit ilisimatitsivoq, igasutut naammassinikuulluni, suliffittaarsimallunilu. Unnerluutigineqartup arnaatini najugaqatigivaa, aamma nammineq illoqarpoq.

Piffissaq suliap suliarineqarneranut atorineqartoq

Pisimasoq pivoq 5. november 2017-imi, unnerluussissullu ulluligaavoq 16. maj 2018-imi suliarlu eqqartuussivimmi tiguneqarsimavoq ulloq 1. juni 2018-imi.

Eqqartuussisut tunngavilersuutaat inerniliinerallu

Pisuunnermik nalililneq

Innersuussutigalugu unnerluutigineqartup nangaassuteqarnani nassuerutiginninnera P uluaatigut tillussimallugu kiisalu assigiimmik nassuiaateqartoqarnera, tassa imerniartarfimmeereernerup kingorna Allakkeriviup eqqaani nikorfasmallutik, eqqartuussisut isumaqarput uppernarsineqartoq, tassa unnerluutigineqartoq P-mut nakuusersimasoq, taamaattumik unnerluutigineqartoq pisuutinneqarpoq pinerluttulerinermi inatsit § 88 – nakuuserneq pillugu unioqutissimagaa.

Pineqaatissiissut pillugu

Nakuuserneq pillugu aallaaviatigut pineqaatissiissutigineqartarpoq pineqaatissinneqarsimasunut inissiisarfimmiittussanngortitsinermik.

Eqqartuussisunut ilisimatitsissutigineqanngilaq, unnerluutigineqartoq siusinnerusukkut pinerluuteqarsimanersoq, tamanna innersuussutigalugu aamma pisimasoq pisimavoq november 2017-imi aamma eqqartuussisaaseq naapertorlugu piffissarlu suliap suliarineqarneranut atorineqarsimasoq sivisooq, unnerluutigineqartullu atugaanik pissuteqanngimmat, eqqartuussisut aalajangerput unnerluutigineqartoq mianersoqqusummik tunineqassasoq tak. eqqartuussisarnermik inatsit § 125, aamma napparsimmaveqarfiup politiinut uppernarsaassiissutaani annersitsinneqarnermit ajoqusernemit ersersinneqanngimmat.

Aningaasartuutit pillugit

Unnerluutigineqartumut illersuisunngortitaq akissarsitinneqassaaq, naalagaaffiup karsianit akilerneqassapput.

TAAMAATTUMIK EQQORTUUTINNEQARPOQ :

U mianersoqqusummik tunineqarpoq.

**

Den 25. juli 2018 blev af Sermersooq Kredsret i sagen
sagl.nr. SER-AMM-KS 0658-2018

Anklagemyndigheden
mod
T
Cpr.nr. [...]
[...]
3913 Tasiilaq

Anklagemyndighedens journal nr. 5516-97431-00625-17.

afsagt

D O M :

Sagen er behandlet med domsmænd.

Tiltalen

Anklageskriftet er dateret den 16. maj 2018 og modtaget i retten den 1. juni 2018.

T er tiltalt for overtrædelse af

Kriminallovens § 88 – vold – ved den 05. november 2017, mellem kl. 0200 – 0300, på vejen ved posthuset 3913 Tasiilaq, at have tildelt F knytnæveslag i hendes ansigt.

Påstande

Anklagemyndigheden har nedlagt påstand om anbringelse i anstalt i 30 dage. Fuldbyrkelse af foranstaltningen udsættes og bortfalder efter en prøvetid på 1 år, hvis den pågældende i prøvetiden ikke begår ny lovovertrædelse.

T har erkendt sig skyldig i forhold 1.

T/autoriseret forsvarer Oktavia Taunajik har nedlagt påstand om advarsel.

Bevisførelsen

Forklaringer

Der er under sagen afgivet forklaring af tiltalte og vidnet F.

Forklaringen fra tiltalte, T og vidnet F, er gengivet i retsbogen af den 25. juli 2018.

Det fremgår ikke i politiattesten, der er skader i F's ansigt eller kind.

Personlige oplysninger

T er ikke tidligere foranstaltet af relevans for denne sag.

T har om sine personlige forhold oplyst, at han var uddannet kok, og havde fået et arbejde. Tiltalte bor sammen med kæreste, og har eget hus.

Sagsbehandlingstid

Episoden er sket 5. november 2017, og anklageskriftet er dateret den 16. maj 2018 og sagen er modtaget i kredsretten den 1. juni 2018.

Rettens begrundelse og resultat

Om skyldvurderingen

Henset til tiltaltes uforbeholdne erkendelse om at have tildelt F et knytnæveslag på hendes kind samt enslydende forklaringer om, at de havde stået ved Posthuset efter endt værtshusbesøg, finder retten det for bevist, at tiltalte har begået vold mod F, hvorfor tiltalte findes skyldig i overtrædelse af kriminallovens § 88 – vold.

Om foranstaltningen

Vold skal som udgangspunkt foranstaltes med anstaltsanbringelse.

Det er ikke for retten oplyst, at tiltalte har begået kriminalitet tidligere, henset til dette og episoden er sket i november 2017 og efter retspraksis og hvor det ikke er tiltaltes forhold, der har været lang sagsbehandlingstid, besluttede retten at tildele tiltalte en advarsel jf. retsplejelovens § 125, da det heller ikke politiattesten fremgår, at der er kommet skader efter slaget.

Om omkostningerne

Den for tiltalte beskikkede forsvarer tildeles et salær, der betales af statskassen.

THI KENDES FOR RET:

T tildeles en advarsel.

Johanne Banke Thorup